

აჭარის ავსტრ ბანატოლების სამინისტრო



ირ. მაღაზონია

# სერბო გოლქვაძე



სახელმწიფო გამომცემლობა  
ბათუმი - 1957

ირ. მაღაზონია

# სერბო ბოლქვაძე

დაბადების 70 წლისთავისა და კვლავობითი  
მოღვაწეობის 50 წლისთავის ბაშო

სახელმწიფო გამომცემლობა  
ბაიუშვი-1957

მეორე გამოცემა  
თბილისი  
2019 წ.

რედაქტორი ს. ვადაჭკორია  
ტექნიკური რედაქტორი თ. დიდიძე  
კორექტორი შ. დარჩია

\* \* \*

გადაეცა წარმოებას 1957 წლის 17 მაისს, ხელმოწერილია დასაბუჯდად  
24 მაისს, ქაღალდის ზომა 84X108, 1,5 საბუჯდი, 1 სააქტორო, 1,1  
სააღრიცხვო საგამომცემლო ფორმა, დაკვეთა №3317, კმ 00612, ტირაჟი 2000.

\* \* \*

საქართველოს სსრ კულტურის სამინისტროს  
მთავარპოლიგრაფსამმართველოს ბათუმის სტამბა-ლითოგრაფია,  
(ქ. ბათუმი, დუქსემბერჯიხის, 22).



სერგო ონოსიმეს-ძე ბოლქვაძე



## ჩემ შვილიშვილს პატარა მადონას

მაგ შენს გულში ჩაინერგე  
შრომისადმი სიყვარული,  
კარგი სწავლით ბეჯითობით  
დაიმკვიდრე სიხარული.

როს ჩვენამდე მოიხარო  
ნუ გექნება სინანული,  
გახსოვდეს რომ ძნელ გზაზედაც  
შექლო მედგრად სიარული.



სახალხო განათლების დეველმოსილი მუშაკის სერგო ბოლქვაძის დაბადების 70 წლისთავისა და პედაგოგიური მოღვაწეობის 50 წლისთავისათვის 1957წ. ბათუმში ჩატარდა იუბილე და ირ. მღაზონიას მიერ პატარა წიგნად გამოცემულ იქნა მისი ბიოგრაფიული ცნობები და საზოგადოებრივი მოღვაწეობის მასალები.

ატარა-გურიაში მრავალმხრივი მიმართულებით მოღვაწე სერგო ბოლქვაძე, ჩუენი აზრით, გახლავთ ამ მხარის იღია ჭაფქვაძე. სერგოს თითქოს ბავშობიდანვე აწვალეებს პედაგოგიური იდეები და ვერ ურიგდება რა ძველი სკოლის რეჟიმს. თანასკოლელებთან ერთად მონაწილეობს 1905 წლის საგაფიცვო მოძრაობაში. ხონის სასწავლებლის წარჩინებით დამთავრების შემდეგ 1907 წელს ინიშნება მასწავლებლად ნოხატაურის რაიონის სოფ. ჯვარცმაში (ერკეთი), ხოლო 1930 წლიდან აგრძელებს მუშაობას ბათუმის საშუალო სკოლაში რუსული ენის მასწავლებლად. პედაგოგიური მოღვაწეობის კიბეებზე თანდათანობითი აღმასვლით მისგან დგება ამ საქმის არა მხოლოდ საუკეთესო პრაქტიკოსი, არამედ თეორეტიკოსი. სერგო ბოლქვაძე ავტორია მეთოდის თემაზე შექმნილი უამრავი წერილისა, რომლებშიაც გატარებულია ნოვატორული იდეები. ასევე რევოლუციამდელ წერილებში თავდაუზოგავად იცავს იაკობ გოგებაშვილისეულ პედაგოგიურ პრინციპებს. აღსანიშნავია, რომ რუსული ენის მასწავლებელ ს. ბოლქვაძეს ეკუთვნის თვალსაზრისი თვალსაჩინოების გამოყენების აუცილებლობისა ბუნებისმეტყველების სწავლებაში. სერიოზული ყურადღება მიაპრო მოსწავლეთა ესთეტიკური აღქმის გამომუშავებისათვის ექსკურსიების მოწობის აუცილებლობას. დიდ როლს ასრულებდა მასწავლებელთა კორპორაციის მუშაობაში. დიდი მუშაობა გასწია სწავლებაში ქალების ჩაბმის საქმეში. ბათუმის პედაგოგიურ ინსტიტუტში მოღვაწეობის დროს, მას მუდმივი კავშირი ჰქონდა სტუდენტებთან, როგორც რუსული ენის დექტორს.

ყველაზე მნიშვნელოვანი რაც სერგო ბოლქვაძის ბიოგრაფიაში ბრწყინვალეებს, გახლავთ მაინც ის, რომ ეს პიროვნება ასრულებს დიდი თეატრალის როლს აჭარა-გურიის ცხოვრებაში, გვევლინება რა ამ ფრონტზე არა მხოლოდ თავკაცად, არამედ როგორც რეჟისორად, ისე მსახიობად. დიდი მოწონება დაიმსახურა მისი თაოსნობით დადგმულმა პირველივე წარმოდგენამ, კერძოდ, ვ. გუნიას დრამამ - „და-ძმა“. 1913 წელს ნოხატაურში ლადო მესხიშვილის საიუბილეო საღამოზე დადგმულ სპექტაკლში „კრეჩინსკის ქორწინება“. ს. ბოლქვაძეს წილად ხვდა ბედნიერება ეთამაში იუბილართან ერთად. ეს მოვლენა ისტორიაში შევიდა, როგორც სათეატრო კულტურის დღესასწაული. მაღალი შეფასებას აძლევდა ს. ბოლქვაძის საზოგადოებრივ მოღვაწეობას ცნობილი ისტორიკოსი ნიკო ბერძენიშვილი. მიიხნევედა რა მას „კეთილშობილი ინტელექტის“ მქონე პიროვნებად.

ჩვენი აზრითაც ს. ბოლქვაძე ეკუთვნის იმ სახელოვან ქართველ მოღვაწეთა რიცხვს, რომელთაც წინ მიჰყავდათ ჩვენი ქვეყნის კულტურულ-საგანმანათლებლო ცხოვრება და გადაჭარბებულ არ მიგვაჩნია აჭარა-გურიის იღია ჭაფჭავაძედ მისი გამოცხადება; რამეთუ იგი იყო პედაგოგი, წერა-კითხვის გამავრცელებელი საზოგადოების წევრი, პუბლიცისტი, თეატრალიც და მრავალი ნოვატორული იდეის ავტორი, ასევე ჯანსაღი სული ჯანსაღ სხეულში.

დიდი პატივისცემით ნარგიზა თოდრია

ფილოლოგი

12/XII, 2018 წ.



სახალხო განათლების იმ დეაწლმოსილ მუშაკთა შორის, რომლებმაც წყენში ჯერ კიდევ თვითმპყრობელობის უმძიმეს პირობებში დაიწვეს მუშაობა და ფართო სამოქმედო ასპარეზი მხოლოდ საბჭოთა ხელისუფლების დამყარების შემდეგ პპოვეს, საპატიო ადგილი უჭირავს სერგო ონისიმეს-ძე ბოლქვაძეს.

ს. ბოლქვაძე დაიბადა 1887 წლის 10 მარტს ჩოხატაურის რაიონის სოფელ ჯვარცმაში (ამჟამად ჩაისუბანი), გლეხის ოჯახში. სწავლამოწვეურებულ ბავშვი ადგილობრივ ორკლასიან სასწავლებელში არ მიიღეს იმ მოტივით, რომ იქ უკვე სწავლობდნენ მისი უფროსი ძმები; ერთი ოჯახიდან კი რამდენიმე ბავშვს არ ღებულობდნენ. მაგრამ სერგო არ უშინდება ამ დაბრკოლებას. ის ძმების დახმარებით შინ სწავლობს წერა-კითხვას და შემდგომ ახერხებს ჯვარცმის სამრევლო სკოლაში შესვლას, საიდანაც მალე გადადის ორკლასიან სასწავლებელში.

პატარა სერგო გამოირჩეოდა ბეჯითობით და სწრაფი მოსაზრების უნარით. 1902 წელს როცა ის მესამე განყოფილებაში სწავლობდა, სკოლის შემოწმებისას მომზადების მაღალი დონე გამოუმჟღავნებია და მაშინელი სახალხო სკოლების ინსპექტორის კონსტანტინე მაჭავარიანის<sup>1</sup> განკარგულებით აპრილში მესამე განყოფილებიდან მეოთხეში გადაუყვანიათ, ხოლო სასწავლო წლის ბოლოს მეხუთე განყოფილებაში გადასულა.

<sup>1</sup> კ. მაჭავარიანი—გურია-აჭარის მესამე რაიონის სახალხო სკოლების ინსპექტორი, ცნობილი პედაგოგი და საზოგადო მოღვაწე. მის კალამს ეკუთვნის შრომა – „Бедственное положение учителей“.



ამ შემთხვევის გამო მისი ყოფილი თანაკლასელი - ექსპო  
ი. ბასილია იკონებს:

„1902 წელს ჯვარცმის სკოლაში მოვიდა ერთი წარმონაღები  
კაცი... თურმე ის იყო სახალხო სკოლების ინსპექტორი  
მაჭავარიანი. მასწავლებელი სიმონ ხილიბისტროს-  
ძე ჭანიშვილი ასწავლიდა მე-3 და მე-4 განყოფილებას  
ერთად. ჯერ დაიწყო ჩვენი, მე-3 განყოფილების შემოწმება,  
გაკვეთილად გვეჩონდა კრილოვის „Крестьянин и змея“. ...  
გაკვეთილი ყველამ კარგად იცოდა. შემდეგ გამოსცადეს მე-4  
განყოფილება. მოსწავლეებმა ვერ უპასუხეს ინსპექტორის  
მიერ დასმულ კითხვებს. მაშინ მესამე განყოფილებიდან  
თითი აიშვირა სერგო ბოლქვაძემ და დასმულ კითხვებზე  
მშვენიერად მიუგო. მაჭავარიანმა კმაყოფილებით გადახედა  
სიმონს, სიმონმა – სერგოს. ინსპექტორმა იქვე ბრძანა, რომ  
ბოლქვაძე გადაეხვათ მეოთხე განყოფილებაში. მეორე დღეს,  
როცა სკოლაში მივედი, სერგო მეოთხე განყოფილებაში  
იჯდა!“ (აჭარის ახსრ სახ. მუზეუმის ხელნაწერთა ფონდი,  
საქმე № 192, გვ. 8).

1903 წლის ივნისში ს. ბოლქვაძემ წარჩინებით დაამთავრა  
ჯვარცმის ორკლასიანი სასწავლებელი და ამავე წელს შევიდა  
ხონის (ახლანდელი ქ. წულუკიძე) ექვსკლასიან სამოქალაქო  
სასწავლებელში.

ხელმოკლეობა მას დიდად უშლიდა სწავლაში. ის ორიოდე  
გროში, რომელსაც მშობლები უგზავნიდნენ, სწავლის ქირას  
უნდებოდა. ამიტომ მეცადინეობისაგან თავისუფალ დროს  
ფიზიკურად მუშაობდა და აღებული ფულით ირჩენდა თავს.  
ასეთი შევიწროებული პირობების მიუხედავად, ს. ბოლქვაძემ  
ხონის სასწავლებელი წარჩინებით დაამთავრა 1906 წელს.  
სპეციალური გამოცდის ჩაბარების შედეგად მიენიჭა  
ორკლასიანი სკოლის მასწავლებლის წოდება და 1907 წელს  
დანიშნულ იქნა ჯვარცმის ორკლასიანი სასწავლებლის  
მასწავლებლად.

ჯერ კიდევ მოწაფეობის დროს სერგო ბოლქვაძე ვერ ურიგდებოდა ძველი სკოლის რეჟიმს. ამიტომ ხონის სასწავლებელში ეფონისას ორჯერ დაისვა მისი გარიცხვის საკითხი. უკვე გონებაგახსნილ ახალგაზრდას პირველი სერიოზული დავა მოუვიდა გალობის მასწავლებელთან, რის გამოც მიიღო მკაცრი გაფრთხილება – გარიცხვით დაეშუქრნენ.

1905 წლის გაზაფხულზე მასწავლებელ ილია ბახტაძის<sup>1</sup> გავლენით იგი მონაწილეობასღებულობს საგაფიცვო დემონსტრაციაში. ამის შესახებ ს. ბოლქვაძე მოგვითხრობს: „1905 წლის გაზაფხულზე, როცა რევოლუცია მოედო მთელს ჩვენს ქვეყანას და გაფიცვები გახშირდა, ჩვენც ჩაგვაბეს ამ საქმეში. ერთ საღამოს ილია ბახტაძე და კიდევ რამდენიმე ამხანაგი ვუცხაურა და წინადადება მოგვცა, გაგვიცულიყავით, დემონსტრაცია გაგვემართა... მე დავალებული მქონდა მარიამის სასწავლებლის გამოყვანა. ამ მიზნით დაუუკავშირდი მოსწავლე ე. იმნაძეს. მეორე დღეს ყველა სკოლა გამოვიდა“ (აჭარის ახსრ სახ. მუზეუმის ხელნაწერთა ფონდი, საქმე № 192, გვ. 31).

როცა მოძრაობა ჩააქრეს, სერგო ბოლქვაძე არ დაუშვეს სკოლაში, შემდგომ ის აღადგინეს სასტიკი გაფრთხილებით.

1907 წლის პირველ სექტემბერს სერგო ბოლქვაძემ პირველად შეაღო ჯვარცმის ორკლასიანი სასწავლებლის კარები, როგორც მასწავლებელმა. აქ ის მოიწვია ადგილობრივმა მოსახლეობამ. მაშინდელი წესის მიხედვით, მასწავლებლის ხელფასი გლეხობას უნდა გადაეხადა, რაც უკმაყოფილებას იწვევდა სოფლის მცხოვრებთა ერთ ნაწილში.

„ყველა გადასახადს მასწავლებლის ჯამაგირს ეძახდნენ,

1 ი. ბახტაძე იყო პროგრესული იდეების მატარებელი მოღვაწე, თანამშრომლობდა სხვადასხვა ჟურნალ-გაზეთებში „მანთის“ ფსევდონიმით.

– მოგვითხრობს ს. ბოლქვაძე და დახეხს, – ჯვარცმის სასოფლო საზოგადოების ყრილობაზე სოფლის ხარჯზე მასწავლებლის მოწვევის საკითხი ირჩეოდა. ბევრი გლეხი ამას მხარს უჭერდა, ზოგი კი წინააღმდეგ გამოდიოდა. მათ შორის იყო სოფრომ ჩიგოვიძე, რომელმაც სიტყვა ითხოვა. ამ ენაბლზე, მაგრამ გონებამახვილმა კაცმა კარგად დაასაბუთა გლეხების სიღატაკეამოთვალა ყველა გადასახადი და ბოლოს თქვა, რომ „უნიტლის ფულიც“ ვხვენ უნდა გადავიხადოთო. „...რამდენი ბატონი მოეთრევა აქანე, იმდენს „კარხმლიან“ პერანგს ვერ შეუკერავს სოფრომიო“ (აჭარის ახსრ სახ. მუზეუმის ხელნაწერთა ფონდი, საქმე № 192, გვ. 27, 27).

13 წელს მასწავლებლობდა ს. ბოლქვაძე ჯვარცმის ორკლასიან სასწავლებელში. ამ ხნის განმავლობაში მან დაიმსახურა საუკეთესო მასწავლებლის სახელი. ის ენერგიულად ზრუნავდა მომავალი თაობის წესიერად აღზრდისათვის და ამ მიზნის მისაღწევად არ ზოგავდა თავის ცოდნასა და უნარს, რითაც დიდი ავტორიტეტი და სიყვარული დაიმსახურა როგორც მოსწავლეთა შორის, ისე მშრომელ მოსახლეობაში.

ჯვარცმაში ს. ბოლქვაძე 1919 წლამდე დარჩა. ამ წელს იგი მიიწვიეს ხიდისთავის (ნოხატაურის რაიონი) უმაღლეს-დაწვებითი სკოლის მასწავლებლად. ხიდისთავის სკოლის გამგემ მას გაუგზავნა სპეციალური მიმართვა:

„ამით გაუწევბთ, რომ თქვენ არჩეული ბრძანდებით მასწავლებლად ჩემდამი რწმუნებულ სასწავლებელში. გთხოვთ ხვალიდანვე გამოცხადდეთ“.

ერთი წლის შემდეგ ს. ბოლქვაძე ხიდისთავის უმაღლეს-დაწვებითი სკოლიდან გადაიყვანეს ნოხატაურის უმაღლეს-დაწვებით სკოლაში, სადაც იმუშავა 1922 წლამდე.

გურიაში მოღვაწეობის დროს ს. ბოლქვაძეს საქმიანი კავშირი ჰქონდა აჭარასა და საქართველოს სხვა კუთხეებში მომუშავე მასწავლებლებთან. მასთან ახლო ურთიერთობაში

იყვნენ ქ. ბათუმში მცხოვრები პედაგოგი და საზოგადო მოღვაწე ნიკო ჯაყელი<sup>1</sup>, ცნობილი პედაგოგი, ილია ჭავჭავაძის და იაკობ გოგებაშვილის პროგრესულ შეხედულებათა დამცველი, ღუარსაბ მოცვაძე და სხვ.

1922 წელს ნ. ჯაყელი ხერგოს სამუშაოდ იწვევს ქალაქ ბათუმში. ამ მიზნით გაგზავნილ დეკრეტში იგი ს. ბოლქვაძეს სწერს: „თქვენისთანა ერთგული და საქმის მცოდნე ვეჭირდება ახლა ჩვენ აქ ბათუმში, გთხოვთ გვეწვიოთ“.

ს. ბოლქვაძე იღებს ამ მიწვევას, გადმოდის ბათუმში სამუშაოდ და ინიშნება ბარცხანის დაწეებითი სკოლის მასწავლებლად. ამავე დროს მუშაობს მეორე ქართული ლეგიონის უფროსი მასწავლებლის თანამდებობაზე.

ს. ბოლქვაძე ნათლად ხედავდა, რომ მომავალი ცხოვრების შენება შეუძლებელი იყო განათლების გარეშე, მაგრამ რევოლუციამდეკლი უკუღმართი ცხოვრების პირობები არ აძლევდა საშუალებას, ეზრუნა უმაღლესი განათლების მიღებაზე. ეს სურვილი მან აისრულა ჩვენში საბჭოთა ხელისუფლების დამყარების შემდეგ; დაუსწრებლად დაამთავრა ქუთაისის სახელმწიფო პედაგოგიური ინსტიტუტის ენისა და ლიტერატურის ფაკულტეტი, მიიღო საშუალო სკოლის რუსული და ქართული ენებისა და ლიტერატურის

---

1 ნ. ჯაყელი დაიბადა 1862 წლის 1 იანვარს გურიაში მხოფელ საყვავის ციხეში. ოზურგეთის სამოქალაქო მასწავლებლის კურსის დასრულების შემდეგ შევიდა თბილისის აღმსარებლის სახელობის სამასწავლებლო ინსტიტუტში, რომლის კურსი წარმატებით დაამთავრა 1884 წელს. ამავე წელს განწესებულ იქნა მასწავლებლად ქალაქ შუშაში. ხუთ მდე ნ. ჯაყელი გადმოდის ქ. ბათუმში და ცნობილი ხდება, როგორც დაუღალავი საზოგადო მოღვაწე, ყოველგვარი კულტურული წამოწყების ერთუზიასტი. 90-იან წლებში, როცა ბათუმის მოსახლეობა გიმნაზიის გახსნას ითხოვდა, ნიკომ მისთვის წვეული ეხურებით მიიღო მონაწილეობა ამ საქმეში. გიმნაზია გაიხსნა და ნ. ჯაყელი იყო ამ გიმნაზიის ინსპექტორი. ყველაზე მეტი ნაწილი მისი ხანგრძლივი მოღვაწეობისა ბათუმზე მოდის (ს. ცაიშვილი, გახ. „სახალხო განათლება“, 1947 წელი, 7 აგვისტო, № 32, გვ. 4).

მასწავლებლის კვალიფიკაცია.

1930 წლიდან ს. ბოლქვაძე მუშაობს ბათუმის № 15 არასრულ საშუალო სკოლაში რუსული ენის მასწავლებლად, 1934 წელს კი ინიშნება ქალაქ ბათუმის განათლების განყოფილების ინსპექტორად, საიდანაც 1941 წლის მაისში გადაყვანილ იქნა აჭარის ასსრ განათლების კომისარიატში სასკოლო ინსპექტორად. აქ მან 1952 წლამდე იმუშავა.

განათლების კომისარიატში, შემდეგ კი სამინისტროში მისი მუშაობა მეტად ნაყოფიერი იყო. იგი დადიოდა აჭარის შორეულ სოფლებში, ამოწმებდა და ეხმარებოდა სკოლებს. იმ წლებში ხულოსა და ქედის რაიონებში მთელი რიგი სოფლები რაიონულ ცენტრებთან არ იყო დაკავშირებული კარგი გზებით. ერთი სკოლიდან მეორე სკოლაში გადასვლისას სასკოლო ინსპექტორებს უმეტესად ფეხით უნდა გადაეღებინათ მთები და ხევები. ს. ბოლქვაძე მათ შორის ყველაზე უფრო ხანდაზმული იყო, მაგრამ ფიზიკური ჯანმრთელობისა და ახალგაზრდული ენთუზიაზმის წყალობით ყოველთვის აღპინისტივით მიუძღოდა წინ თანამოსაქმეებს.

„ხშირად გვიხდებოდა 20-25 კილომეტრის ფეხით გაველა ამ მაღალმთიან რაიონებში. – იგონებს სილოვან დადუნაშვილი, რომელიც მაშინ სერგოსთან ერთად მუშაობდა აჭარის განათლების კომისარიატში. – სერგო ყოველთვის იმეორებდა: „ასეთი სიძნელე ვერ შეასუსტებს ჩემს სიყვარულს ამ საქმისადმი“. რაიონის სკოლების მასწავლებლები მოუთმენლად ელოდნენ სერგო ბოლქვაძის სტუმრობას, რადგან ამ სტუმრობას თან ახლდა საქმიანი დახმარება და ისეთი საკითხების გარკვევა, რომლისთვისაც მიმოწერა არ არის საკმარისი“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 1).

1946 წლიდან დღემდე იგი მუშაობს შ. რუსთაველის სახელობის ბათუმის სახელმწიფო პედაგოგიური ინსტიტუტის რუსული ენის მასწავლებლად.

ინსტიტუტის რუსული ენის კათედრის მიერ შედგენილ დახასიათებაში, სხვათა შორის, ნათქვამია:

„ს. ო. ბოლქვაძე ცნობილია, როგორც უაღრესად დიდი გამოცდილების მქონე პედაგოგი და მეთოდისტი, მთელი რიგი მეთოდური წერილების ავტორი და ქართულ სკოლაში რუსული ენის სწავლების შესანიშნავი სპეციალისტი“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 13).

ს. ბოლქვაძე განსაკუთრებულ გულისხმიერებას იხენს ახალგაზრდა მასწავლებლებისადმი, რაგდან კარგად ახსოვს, როგორ უძნელდებოდა მას, დამწვებ მასწავლებელს, პედაგოგიური ოსტატობის დაუფლება მაშინ, როდესაც არ ჰქავდა დამხმარე და ხელმძღვანელი. იგონებს რა თავისი მოღვაწეობის აღრინდელ პერიოდს, კმაყოფილებით აღნიშნავს, რომ მან დამოუკიდებელი მუშაობით დიდი ენერჯის დახარჯვის შედეგად შეძლო ყოველგვარი სიმხელის გადალახვა.

ახალგაზრდა მასწავლებელ ს. ბოლქვაძის წინაშე მალე დაიხვა იმ დროს სკოლებში გამეფებული მეთოდების შეცვლის აუცილებლობის საკითხი და ყოველგვარი ნებართვის გარეშე გადაღვა ნაბიჯი ამ მიმართულებით; სხვა მოწინავე მასწავლებლებთან ერთად ლევიცკის მუნჯური მეთოდი შესცვალა სწავლებაში თვალსაჩინოების ფართოდ გამოყენებით. ლევიცკის მეთოდის უკარგისობა ს. ბოლქვაძემ ჯერ კიდევ მოწაფეობის დროს იგრძნო და, როცა პედაგოგიურ ასპარეზზე გამოვიდა, შეგნებულად გაემიჯნა მას.

ს. ბოლქვაძე დიდი სიყვარულით ეკიდებოდა მშობლიური ენის სიწმინდის დაცვის საქმეს. ის მოითხოვდა სწავლების მოწეობას დედაენაზე ისეთ რთულ ვითარებაში, როცა არათუ სწავლება, არამედ სკოლებში ლაპარაკიც კი აკრძალული იყო მშობლიურ ენაზე. ეს ის პერიოდია, როცა მასწავლებლებს შორის განაღდა წახსიანება, დასმენა პირადი კარიერის მოპოვების მიზნით, რასაც მე-20 საუკუნის 20-იან წლებში მეთაურობდა სახალხო სკოლების ინსპექტორი ტერ-

გახპარიანცი. აი მაგალითიც: 1912 წელს ტერ-გახპარიანცმა ზაფხულში მოაწყო გურია-აჭარის მახწავლებლთა კურსები, ამის შესახებ ჟურნალ „განათლების“ კორესპონდენციაში ნათქვამია: „კურსების გახსნისთანავე გახპარიანცმა წერები გამოგვიტყდა: მეო, ბრძანა, თქვენთვის თავდადებული ვარ, ეს კურსები მე გავხსენი, რომ თქვენ რამე შევძინოთ. მე ძალმიძს ჯამაგირი მოგიმატოთ, რასაც მალე ავახრულებო; ძლიერ მეცოდება მახწავლებლები, ნამეტნავედ ცოლ შეილიანებით და სხვ. გულუბრვეილო მახწავლებლებს სიხარულისაგან თვალბუქვით ცრემლი მოადგათ (რასაკვირველია, მე მხედველობაში შეავს უმრავლესობა). რაკი დაინახა მახწავლებლების მორჩილება, ხმას აუწია და განაგრძო: „ოღონდ ეს კი გახსოვდეთ, მთავრობა თქვენ ცუდის თვალთ გიყურებთ, მეტადრე გურიის მახწავლებლებს, ამიტომ კურსებზე კარგად გაისარჯეთ, ქართული არ წამოგცდეთ, თუ გინდათ, თქვენი საქმე კარგად წავიყვანო, ხომ გესმით, რაც გითხარით“... (ჟურნალი „განათლება“, 1921 წ., № 6-9, გვ. 711-712).

ს. ბოლქვაძე მშობლიური ენის სიწმინდისათვის ბრძოლაში სკოლის კედლებით არ იფარგლებოდა. ამ საკითხზე გაზეთებში სისტემატურად იბეჭდებოდა მისი სტატიები და კორესპონდენციები. 1913-1914 წლებში გაზეთმა „კოლხიდაში“ მოათავსა ს. ბოლქვაძის ვრცელი წერილი დედაენის სწავლების შესახებ. გაზეთის რედაქტორი ია კვალაძე აღფრთოვანებული იყო ამ წერილით.

შემდგომ პერიოდში ს. ბოლქვაძის აქტიური მონაწილეობით გამოვიდა სპეციალური ჟურნალი „სკოლა და ოჯახი“, რომელშიაც მოწინავე პედაგოგები ავითარებდნენ პროგრესულ პედაგოგიურ აზრებს, მოითხოვდნენ მშობლიურ ენაზე სწავლების შემოდებას და სხვ.

მართალია, ამ ჟურნალის გამოცემა მალე შეწყდა, მაგრამ მისმა დამაარსებლებმა თანამშრომლობა დაიწყეს გაზეთში „ნენი ერი“. ს. ბოლქვაძემ ამ გაზეთში გამოაქვეყნა სტატიები

„ს. ბ.-ძის“ „ს. გურულის“ და „ხარქისას“ ფსევდონიმებით. იგი საქმიანად აკრიტიკებდა არსებული სახელმძღვანელოების ავტორებს და ებრძოდა მათ, ვინც დევნიდა ქართულ ენას.

ს. ბოლქვაძემ გაზეთ „იმერეთის“ 1912 წლის 25-ე ნომერში გაილაშქრა იმათ წინააღმდეგ, რომლებმაც „...წინადადებით მიმართეს სახალხო სკოლების უფროსს – გამოცვალონ სკოლაში სახმარებელი სახელმძღვანელო იაკობ გოგებაშვილის „Русское слово“ და მის ნაცვლად რუსულის შესასწავლად სხვა ავტორის სახელმძღვანელო შემოიღონ“ (ქურნალი „განათლება“, 1921 წ., № 6-9, გვ. 710).

ს. ბოლქვაძე რუსული ენის შესწავლას უდიდეს მნიშვნელობას ანიჭებდა და ახაბუთებდა, რომ რუსული ენის დაუფლება უნდა მოხდეს დედაენის ცოდნის საფუძველზე. ცოდნის სიმტკიცისა და შეგნებულობის მიღწევისათვის იგი მოითხოვდა დედაენისა და რუსული ენის კანონებისა და წესების შეპირისპირებას. თავისი აზრის დასაცავად ს. ბოლქვაძემ 1915-1916 და შემდგომ წლებში გაზეთ „მეგობარში“ გამოაქვეყნა მთელი რიგი წერილები, რომლებშიაც გადაჭრით მოითხოვდა რუსული ენის სახელმძღვანელოს გამომუშაებას.

სერგო ონისიმეს-ძე ბოლქვაძის პედაგოგიური მოღვაწეობის ადრინდელი პერიოდი – ეს არის სწავლების დარგში ძიების პერიოდი. 1909 წელს, ჯერ კიდევ ახალგაზრდა მასწავლებელი გაეცნო ლევ ტოლსტოის მეთოდებს ქურნალში „Яснополянская школа“. ტოლსტოის გავლენით მან ფართოდ გამოიყენა მოსწავლეთა ე.წ. თავისუფალი აღზრდის მეთოდი. მასწავლებელი ბავშვებს ნებას აძლევდა „ყოველგვარი ნებართვის გარეშე გასულიყვნენ საკლასო ოთახიდან, როდესაც მოესურვებოდათ“. მაგრამ დაკვირვებამ დაარწმუნა, რომ ეს მეთოდი ვერ ამართლებდა.

ს. ბოლქვაძემ მნიშვნელოვანი მუშაობა გასწია ე.წ. გუნდური კითხვა-პასუხის მეთოდის დამუშავების საქმეში. პრაქტიკამ მას დაანახა ამ მეთოდის არახრულყოფილობა და მასში



გაბედულად შეიტანა მთელი რიგი ცვლილებანი. თავისი შეხედულების შემუშავებისას იგი მტკიცედ კრძნობდა იაკობ გოგებაშვილის იდეებს. ამის შესახებ ს. ბოლქვაძე მოგვითხრობს: „ჯერ საფუძვლიანად შევასწავლიდი ლექსს ან არაკს, ან გუნდურად სათქმელ წინადადებას, გაავამოვრებინებდი ძლიერ მოსწავლეს, შემდეგ – საშუალოს და როდესაც ყველაზე სუსტი მოსწავლე შეძლებდა გამოვრებას, ყველას ვათქმევინებდი გუნდურად, რაც ხელს უწყობდა ცოდნის განმტკიცებას... საგნისა და მოქმედების ჩვენებას მივმართავდი ფართო თვალსაჩინოებისათვის... სწორი წარმოთქმა, რომელიც მუშავდებოდა თვალსაჩინოების გამოყენებით, ხელს უწყობდა სწორი ორთოგრაფიული ჩვენების გამოიმუშავებას. ამ გზით მდიდრდებოდა მოსწავლეთა მეტყველება. ენის კულტურის ამადლებისათვის მდიდარი მასალა იყო ი. გოგებაშვილის „დედა ენა“ და „ბუნების კარი“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 27-27).

საკუთარ თავზე სისტემატურმა მუშაობამ, თავისი სპეციალობის სიყვარულმა, მასში, როგორც ახალგაზრდა მასწავლებელში, გამოიმუშავა მოსწავლეებისადმი მიდგომის ორიგინალური ხერხები.

„ჩემთან ერთად სწავლობდა კალენიკე ნაკაშიძე. – ივონებს ს. ბოლქვაძის ყოფილი მოსწავლე, შემდგომში მისი უახლოესი მეგობარი, ამჟამად ი. ჭავჭავაძის სახლ-მუზეუმის დირექტორი პლატონ კეშელავა, – მეტად მორცხვი, გამოუხვლელი ყმაწვილი. მას ყოველი წერილმანი აფრთხობდა. მასწავლებელი რომ გამოიძახებდა, ეს მისთვის მეხის დაცემას უდრიდა, იბნეოდა, პასუხსვერ ახერხებდა, თითქოს არც ნიჭს, არც ყურადღების ნიშანწყალი არ ჰქონდა. ასე იყო იგი ცნობილი.

მხოლოდ სერგო ბოლქვაძის თავისებურმა მიდგომამ გამოაველინა ამ უცნაური მოწაფის ნიჭი. არითმეტიკაშიაც და რუსული ენის შესწავლაშიაც კალენიკე პირველთაგანი გახდა. თუ კალენიკესათვის, საერთოდ, სწავლა ტანჯვა

იყო და ყოველი პასუხის გაცემა მასში ტკივილს იწვევდა, სერგო ბოლქვაძის გაკვეთილებზე წვენი კალენიკესა და აზროვნებდა, ხალისით სწავლობდა... სხვა მასწავლებლებმა ვერ აუღეს აღლო კალენიკეს ხასიათს და მათთვის ბოლომდე გაუგებარი დარჩა ეს თავისებური ადამიანი. სერგო ბოლქვაძეს ვუმაღლით წვენ – მისი მოწაფეები – წვენი ხასიათის კარგ თვისებებს, მაგალითად, ჯანსაღ თავმოყვარეობას: სერგო გამოიძახებდა მოწაფეს გულთბილი და ყურადღებიანი ინტონაციით. ამ ინტონაციაში იყო რაღაც გამამხნეველი, შთამბგონებელი, რაც ზრდიდა წვენში ადამიანური ღირსების შეგნებას, თავმოყვარეობას, თავისთავში დაჯერებას, სიყვარულს სწავლისადმი. სამი წლის განმავლობაში არ ყოფილა არც ერთი შემთხვევა სერგო ბოლქვაძის გაანხლებისა და მით უმეტეს მოწაფის ფიზიკური დასჯისა“ (აჭარის ასსრ სახ. მუხუუმის ხელნაწერთა ფონდი, საქმე № 192, გვ. 1-2).

სწავლების მეთოდების ძიების პერიოდში ს. ბოლქვაძე სეროზულ ყურადღებას აქცევდა ექსკურსიების მოწეობას. სხვა მოწინავე მასწავლებლებთან ერთად იგი 1911 წლის 13 ივნისს აწეობს ჯვარცმისა და ნოხოტაურის სკოლების მოსწავლეთა ექსკურსიას ნაქვში, ბათუმსა და ფოთში. ამ მოვლენას „სახალხო გაზეთი“ დადებითად გამოეხმაურა და თავის ფურცლებზე მოათავსა სტატია და ექსკურსანტების სურათი.

როგორც ამ ექსკურსიას, ისე შემდგომ ექსკურსიებსაც სხვა მოწინავე მასწავლებლებთან ერთად მეთაურობდა ს. ბოლქვაძე. ჯვარცმისა და ნოხოტაურის სკოლების ინიციატივა ექსკურსიების მოწეობის საქმეში ახალი ამბავი იყო, რამაც გამოსმაურება პპოვა სხვა სოფლებში.

„ს. ბოლქვაძის ინიციატივით, – ივონებს პ. კეშელავა, – 1911 წელს მოეწყო ჯვარცმისა და ნოხოტაურის ორკლასიანი სასწავლებლების მოსწავლეთა და მასწავლებელთა

მრავალრიცხოვანი ექსკურსია ბათუმში, ნაქესა და ფოთში.

ნიგოითის ქედი ფეხით გადავიარეთ. ვნახეთ ჯუმათას მონასტერი. ამ მომხიბლავი მალეობიდან პირველად გადავხედეთ რიონის ჭალებს. ჩვენს თვალწინ გადაიშალა წარმტაცი სანახაობა ზურმუხტოვანი ველებისა და მთებისა. სერგო მასწავლებელი თავისი სიტყვაძვირი, დინჯი და ფრთხილი საუბრებით აღრმავებდა ჩვენში სამშობლო ქვეყნის მრავალფეროვნებისადმი სიყვარულს. ხშირად იმეორებდა გრ. ორბელიანის სიტყვებს: „სხვა საქართველო სა არის...“

დავათვალიერეთ ბათუმი და მისი მომხიბლავი მიდამოები: ბოტანიკური ბაღი, სანაპირო; ვნახეთ გემები, გავისეირნეთ ზღვაზე ნაუებით, გავეცანიოთ ბათუმის წერა-კითხვის საზოგადოების სკოლას, ვნახეთ ჩაის ფაბრიკა ნაქეში და სხვა მრავალი. თუ არ ვცდები, სადგურ სუფსიდან, თუ ნატანებიდან, ეტლით გავიარეთ კოლხიდა, ვაწვიეთ ფოთს, აველით ფოთის მაღალ შუქურაზე, ვნახეთ ნიკო ნიკოლაძის კოშკი, პალიასტომის ტბა... მივედით რიონის შესართავთან...

ეს არ იყო ექსკურსია ჩუქულბერივი გავებით. ეს იყო გეგმიანი და საქმიანი მოგზაურობა, რომელიც დიდად ნაყოფიერი იყო ჩვენთვის და იშვიათი მოვლენა იყო სოფლის ბავშვების ცხოვრებაში (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 5-6).

ს. ბოლქვაძე ენერგიულად სწავლობდა და ცხოვრებაში ატარებდა პროგრესულ პედაგოგიურ იდეებს.

„ღრმად ვსწავლობდი დიდი ქართველი პედაგოგის იაკობ სიმონის-ძე გოგებაშვილის იდეებს, მის დებულებებს თვალსაჩინოების როლის შესახებ სწავლებაში... ვიცნობდი დიდი პედაგოგის ი. კომენსკის დებულებას: „ასწავლო – ეს ნიშნავს ისწავლო“.

ცხოვრებაში ვატარებდი ი. პესტალოცის გამოცდილებას: „მე თვითონ ვსწავლობდი ბავშვებთან ერთად.“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 48).

ს. ბოლქვაძეს დიდი ღვაწლი მიუძღვის გურიის მასწავლებელთა კორპორაციის<sup>1</sup> მუშაობაში. ამ ორგანიზაციაში ის შევიდა 1907 წელს და ბოლომდე აქტიურ წევრად დარჩა, ხოლო კორპორაციის არსებობის უკანასკნელ წლებში მის მდივნად მუშაობდა. ს. ბოლქვაძის პირად არქივში ინახება ცნობა, რომელსაც ხელს აწერს კორპორაციის პირველი მდივანი – პოეტი ნოე ზომლეთელი (ქერიძე).

„...მე ვიცნობ მასწავლებელ სერგო ბოლქვაძეს 1906-1907 წლებიდან, როგორც ახალი სკოლისა და კულტურისათვის მებრძოლს, როგორც რევოლუციონერს სოციალისტური კულტურის ფრონტზე. 1907 წელს ჩემთან, ბათლომე მეგრელიძესთან, რაფიელ რამიშვილთან და სხვებთან ერთად ამხანაგი სერგო ბოლქვაძე იყო აქტიური წევრი „გურიის სახალხო მასწავლებელთა კორპორაციისა“, ხოლო გურიიდან ჩემი გადასახლების შემდეგ, – აღნიშნული კორპორაციის მდივანიც. მე მას გადავაბარე საქმეები. ის მოღვაწეობდა აგრეთვე სათეატრო ფრონტზე“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 48).

დროთა ვითარებაში კორპორაცია დაიშალა, მაგრამ სხვა მოწინავე მასწავლებლებთან ერთად ს. ბოლქვაძეს მუშაობა არ შეუწყვეტია ამ მიმართებით. 1912 წელს მასწავლებელთა კავშირმა კვლავ განაახლა მუშაობა გურიაში. ამის გამო 1913 წლის გაზეთ „მეგობრის“ 95-ე ნომერში გამოქვეყნდა სტატია, რომელშიაც ნათქვამი იყო: „...მოელ საქართველოს მოეფინა აზრი მასწავლებელთა საზოგადოების დაარსების შესახებ...“

შემდეგში მასწავლებელთა კავშირმა თავისი მუშაობა გადაიტანა ბათუმში. ორიოდე წლის შემდეგ ქუთაისის სახალხო სკოლის დირექტორის ვიშნევსკის თაოსნობით მოწვეულ იქნა

1 მასწავლებელთა კორპორაცია – მასწავლებელთა ორგანიზაცია, კავშირი, რომელიც გურიაში დაარსდა 1905 წლის რევოლუციის დღეებში. ამ კავშირის ამოცანას შეადგენდა ბრძოლა სახალხო განათლების საქმეში სახელის შეტანისათვის.

გურიისა და აჭარის სკოლების მასწავლებელთა კონფერენცია, რომლის წინა დღეებში ს. ბოლქვაძეს „ბათუმის გაზეთში“ გამოუქვეყნებია სტატია სათაურით: „მომზადებული შეწყვეტეთ მასწავლებელთა კრებას“. სტატიის ავტორი ხაზს უსვამდა იმ ძირითად საკითხებს, რომლებზედაც მასწავლებელთა კრებას ყურადღება უნდა გაემახვილებინა.

კონფერენციამ მთელ რიგ აქტუალურ საკითხებზე მოისმინა მოხსენებები. მასწავლებელი ს. ბოლქვაძე გამოხვლა მოხსენებით თემაზე: „თვალსაჩინოება ბუნებისმეტყველების სწავლებაში“. მოხსენებას ინტერესი გამოუწვევია დამსწრეთა შორის.

პედაგოგიური მოღვაწეობის რევოლუციამდელ პერიოდში ს. ბოლქვაძემ დიდი მუშაობა გასწია სწავლებაში ქალების ჩაბმის საქმეში. იგი სავსებით იზიარებდა და პრაქტიკულად ახორციელებდა უშინსკის აზრს სწავლაში ვაჟებისა და ქალების თანაბარი უფლების შესახებ.

1902-1903 და შემდგომ წლებშიც გურიის სკოლებში მოსწავლე ქალების რიცხვი უმნიშვნელო იყო. მაშინდელი მოწინავე მასწავლებლების ენერგიული მუშაობის შედეგად 1910-1914 წლებში მათი რიცხვი მნიშვნელოვნად გაიზარდა. 1914 წელს „ბათუმის გაზეთი“ სამართლიანად აღნიშნავდა: „...გურული ასე მსჯელობდა: „ციცას რად უნდა სწავლა, მისი საქმეა ოჯახს მოუაროს, სადილ-ვახშაში აკეთოს და შვილები ზარდოს“. ახლა ეს ასე არ ითქმის, გურულმა დაანება თავი ამ გლეხურ შეხედულებას ...წინათ თუ მოსწავლე ქალებს იშვიათად ნახავდით, ახლა გვარიან ნაწილს მოსწავლეებისას ესენი შეადგენენ. ზოგიერთ შორეულ სკოლებში კი მოსწავლე ქალების რიცხვი თითქმის ეთანაბრება ვაჟებისას. ეს სასიხარულო მოვლენაა“ („ბათუმის გაზეთი“, 1914 წ., №17).

როგორც ამ საკითხში, ისე მთელს სასწავლო-სააღმწერდელ მუშაობაში ნამდვილი გარდატეხა მხოლოდ საბჭოთა წყობილების დამყარების შემდეგ მოხდა.

ს. ბოლქვაძის შემოქმედებით პედაგოგიურ მუშაობასაც საბჭოთა ხელისუფლებამ შეუქმნა გამლა-გაფართოების სრული შესაძლებლობა. მხოლოდ საბჭოთა პერიოდში შეძლო მან მაქსიმალურად განეხორციელებინა დიდი ხნის ოცნება – აღეზარდა ფიზიკურად ჯანსაღი, გონებრივად განვითარებული და ზნეობრივად სპეტაკი ახალგაზრდა პატიოტები, იგი თავის პედაგოგიურ მოღვაწეობაში ზნეობრივ აღზრდას განსაკუთრებულ მნიშვნელობას ანიჭებს. სავსებით იზიარებს გამონეხილი ქართველი პედაგოგისა და საზოგადო მოღვაწის ლუარსაბ ბოცვაძის დებულებას, რომ „თუ კი ზნეობა არ ამშვენებს რომელიმე კაცის სწავლა-ცოდნას, ეს კაცი მაშინ საზოგადოების მხოლოდ მავნე წევრად უნდა ჩაითვალოს“ („მწვემისი“, 1893 წელი, №8, გვ. 6).

განსაკუთრებული ყურადღებით ეკიდება ს. ბოლქვაძე ქართული და რუსული ენების სწავლების საკითხებს. მას დაწერილი აქვს მთელი რიგი მეთოდური ხასიათის წერილები და მითითებანი. ასეთია, მაგალითად: „წერა-კითხვის სწავლება ანალიზურ-სინთეზური ბგერითი მეთოდით“, „ქართული ენის გაკვეთილები 1-ლ და მე-2 კლასებში“, „თვალსაჩინოება რუსული ენის სწავლების დროს“, „Борьба за культуру речи в XI классе Грузинской школы“, „სადექსიონო მუშაობა რუსულ ენაში ქართული სკოლის მოსწავლეებთან“, „სკოლის შინაკონტროლი“, „Изучение басен И. А. Крылова в грузинской школе“, „К вопросу об изучении творчества Н. В. Гоголя в грузинской школе“ და სხვ.

1936 წელს ს. ბოლქვაძე აქტიურ მონაწილეობასღებულობს მეთოდური ხასიათის კრებულის „მასწავლებლის თანამგზავრის“ გამოცემაში. ამ კრებულში იგი სამართლიანად წერს: „საბჭოთა სკოლა, რომელიც მიზნად ისახავს მოზარდთა აღზრდას, სარგებლობს წარსულის გამოცდილებით და კრიტიკულად ითვისებს მას.

საკითხი, თუ როგორ უნდა ვასწავლოთ, მკიდროდაა

დაკავშირებული საკითხთან, თუ რა უნდა ვასწავლოთ. ამისათვის საბჭოთა სკოლაში სწავლება უნდა წარიმართოს ისე, რომ დააკმაყოფილოს მოთხოვნები:

1. მოსწავლეთა მიერ შეგნებულად და საფუძვლიანად დაუფლება სისტემატური ცოდნისა, თეორიისა და პრაქტიკის ერთობლიობის საფუძველზე;

2. მასწავლებლის ხელმძღვანელი როლი მოსწავლეთა შეგნებულ აქტიუობის საფუძველზე;

3. მოწაფის დამოუკიდებელი მუშაობის ჩვევის განმტკიცება;

4. კოლექტივისტთა აღზრდა;

5. ფექტურობა (შეთვისებული მასალის სიმკვიდრე, დროის მაქსიმალურად გამოყენება, საგნის მაღალხარისხოვნად დაძლევა და სხვ.).

სწავლების მეთოდების მიმართ უპირველესი მოთხოვნილება მათი სწორად გამოყენებაა. წინააღმდეგ შემთხვევაში, ყოველი მეთოდი ცუდი აღმოჩნდება. ამ დარგში მასწავლებელი ხელოვანი უნდა იყოს“.

1949 წელს, როცა ს. ბოლქვაძე აჭარის ასსრ განათლების სამინისტროს სასკოლო ინსპექტორად მუშაობდა, მან შეისწავლა რუსული ენისა და ლიტერატურის სწავლების მდგომარეობა აჭარის სკოლებში და თავისი შეხედულებანი ამ საგნის სწავლების შემდგომი გაუმჯობესების ღონისძიებათა შესახებ ჩამოაყალიბა მეთოდური ხასიათის სტატიაში – „ჩვენი სკოლების ღვიძლი საქმე“.

ამ სტატიაში ს. ბოლქვაძე ყურადღებას ამახვილებს უმცროს კლასებში რუსული ენის სწავლებაზე, რადგან „აქ იწყება ლექსიკური განყოფილება და საანბანო პერიოდი, სწავლების ამ პროცესში მასწავლებლის მიერ დაშვებულ შეცდომას მოსწავლეები იმეორებენ და დიდხანს რჩებათ მესხიერებაში („საბჭოთა აჭარა“, 1949 წ. № 15, გვ. 3).

„საგნის ჭეშმარიტად სწავლებისათვის აუცილებელია, –

აღნიშნავს ს. ბოლქვაძე, – მასწავლებლის ავტორიტეტი, რაც საგნის ცოდნისა და სწავლების მეთოდების სრულყოფილ ცოდნაში მდგომარეობს“.

ამავე სტატიაში ს. ბოლქვაძე მოითხოვს განსაკუთრებული ყურადღების მიქცევას სოფლის სკოლების რუსული ენისა და ლიტერატურის მასწავლებლებისადმი, მათთვის კონკრეტული დახმარების აღმოჩენას.

თავის მეთოდურ წერილში „რუსული ენის სწავლების ზოგიერთი საკითხი“ იგი ავითარებს იმ აზრს, რომ „რუსული და ქართული გრამატიკული ფორმების შედარება რუსული ენის შესწავლის საუკეთესო საშუალებაა, მაგრამ შედარების ზოგიერთი ელემენტი შეიძლება გამოვიყენოთ გრამატიკის გარეშეც, პრაქტიკულად... სწორედ გაკვეთილის სასაუბრო ნაწილი მე-3 კლასიდანვე უნდა დაეთმოს ასეთი სახის პრაქტიკულ ვარჯიშს, საგნის თვლას რუსულად ქართულ თვლასთან შეფარდებით და სხვ.“ („საბჭოთა აჭარა“, 1956 წ. 30 ოქტომბერი, № 215).

ს. ბოლქვაძის მეთოდურ წერილებში ხაზგასმითაა აღნიშნული სკოლის შინაკონტროლის მაღალ დონეზე დაყენების აუცილებლობა. ჯერ კიდევ 1929 წელს, როცა იგი მუშაობდა ქ. ბათუმის დ. ჭონქაძის სახელობის არასრული საშუალო სკოლის გამგედ, მთელი სისრულით აყენებდა სასკოლო შინაკონტროლის საკითხს და იცავდა ასეთ აზრს: „მასწავლებლებმა და სკოლის დირექციამ ისე პარმონიულად უნდა წარმართონ მუშაობა, რომ უზრუნველყონ მოსწავლეებში პუმიანური გრძნობების გამოუმუშავება, ზნეობრივი სიმტკიცე, პიროვნებისა და საზოგადოების ღირსების დაცვა-დაფასება, ზრდილობა, მორიდება, თავმდაბლობა, ერთი სიტყვით, აღზრდა სრული პატრიოტიზმის ხელისკვეთებით“.

თავის მეთოდურ წერილებში ს. ბოლქვაძე ხაზს უსვამს სკოლისა და ოჯახის, მასწავლებელთა და მშობელთა მტკიცე



კავშირის საჭიროებას, რადგან ბავშვის პირველი მასწავლებელი მშობელია, ხოლო აღმზღდელობითი ზეგავლენის წრე - ოჯახი. ამხვილებს რა ყურადღებას სკოლისა და ოჯახის მჭიდრო კავშირზე, მას გამოჰყავს დასკვნა, რომ სკოლისა და ოჯახის სისტემატური და საქმიანი კავშირი ქმნის მომავალი თაობის კომუნისტურად აღზრდის სასურველ პირობებს.

რუსული ენისა და ლიტერატურის სწავლების საკითხებზე ს. ბოლქვაძე 1950-1951 წლებში ადგილობრივი პრესის ფურცლებზე აქვეყნებს კრიტიკული ხასიათის წერილებს: „Улучшить преподавание русского языка в школах района“, „Изучим язык великого русского народа“ და სხვ.

ამ წერილებში ავტორი აღნიშნავს დაბრკოლებებს რომლებიც ხელს უშლიან რუსული ენის სწავლების გაუმჯობესებას და აყალიბებს კონკრეტულ ღონისძიებებს მათ დასაძლევად. მისი მეთოდური წერილები საგრძნობ დახმარებას უწევდნენ და უწევენ სოფლის სკოლების მასწავლებლებს.

ს. ბოლქვაძეს მნიშვნელოვანი ამაგი მიუძღვის რუსული ენის მასწავლებელთა კვალიფიკაციის ამაღლების საქმეშიც. 1945 წლიდან იგი რუსული ენის მასწავლებელთა დახელოვნების კურსებზე ყოველწლიურად კითხულობს ღუქციებს ამ საგნის სწავლების მეთოდის შესახებ.

ს. ბოლქვაძე ნაყოფიერ პედაგოგიურ მუშაობასთან ყოველთვის მოხდენილად ათავსებდა საზოგადოებრივ-კულტურულ საქმიანობას.

პედაგოგიური მოღვაწეობის ასპარეზზე გამოხველისთანავე სხვა მოწინავე ინტელიგენტებთან ერთად იგი აქტიურად ჩაება კულტურულ-საგანმანათლებლო მუშაობაში. 1907 წლის ზაფხულში ს. ბოლქვაძემ ჩოხატაურში ჩამოაყალიბა სცენისმოყვარეთა წრე, რომელმაც პირველი წარმოდგენა გამართა ფარცხმის ორკლასიანი სასწავლებლის შენობაში. წარმოდგენილ იქნა ვ. გუნიას დრამა „და-ძმა“.

პირველმა წარმოდგენამ საერთო მოწონება დაიმსახურა.

მალე სცენისმოყვარეთა წრე საგრძნობლად გაიზარდა. 1908 წლისათვის იგი 25 კაცზე მეტს ითვლიდა. ამავე წელს დასწმა წარმოდგენები გამართა სოხატაურში, ხიდისთავში, ბახმაროში, ბახეში, შემოქმედში, ოზურგეთში და სხვაგან.

მოხალისეთა დახი მოსახლეობას კულტურულ მომსახურებას უწევდა უვახოდ. სცენისათვის აუცილებელი მოწყობილობა, დეკორაციები და სხვა რამეები მზადდებოდა დასის წევრების მიერ. ამ დასის ხელმძღვანელი ს. ბოლქვაძე იტონებს: „...პარმენ ჭანიშვილმა<sup>1</sup> ფარდისა და დეკორაციის დასახატავად მოსკოვიდან გამოიწერა საღებავები და რამდენიმე კვირა იმუშავა დეკორაციის დახატვაზე. მიუხედავად იმისა, რომ ეს მისი ხელობა არ იყო, ყველაფერს აკეთებდა საქმის სიყვარულით. ცხადია, ხელობა სრულყოფილი არ გამოუვიდა, როგორც ამის შესახებ ამხანაგები მეგობრულ გამოცანებს ადგუნდნენ: „რა არის ისეთი საგანი, რომელიც არასდროს არ შრება?“ მეორენი პასუხობდნენ: „პარმენის დახატული ფარდა“ (აჭარის ახსრ სახ. მუზეუმის ხელნაწერთა ფონდი, საქმე № 192, გვ. 69).

დრამატული წრე ს. ბოლქვაძის ინიციატივითა და პ. ჭანიშვილის ხელმძღვანელობით უშვებდა ხელნაწერ ქურნალს – „ღებგერა“ (გურული დიალექტია, ნიშნავს „სახრეს“). ქურნალში ათავსებდნენ სახელდახელო წერილებს მოხალისეთა დასის მუშაობის შესახებ. აქვე თავსდებოდა ამა თუ იმ წარმოდგენის ორგანიზაციის მშრომელთა შთაბეჭდილებანი და სხვ.

1913-1914 წლისათვის სცენისმოყვარეთა ეს დახი საკმაოდ გაძლიერდა. მას შემოემატა ახალი ძალები, მათ შორის

<sup>1</sup> პ. ჭანიშვილი – ცნობილი პუბლიცისტი, თანამშრომლობდა გაზეთებში: „მეგობარი“, „ჩვენი ერი“ და სვ. წერილებს ათავსებდა ფსევდონიმებით: „ომეგა“, „მინაერი“. ამჟამად მუშაობს სოხუმის პედსახწავლებელში.

ნიკიერი ახალგაზრდა მირიან ნიკივიშვილი.<sup>1</sup>

ამ დროს დრამატულ წრეს თავის რეპერტუარში ქრინდა: „ქრისტინე“, „სოფლის გმირები“, შიუკაშვილის „მეგობრობა“, „გამხმარი ფოთოლი“, „გამცემი“, შ. დადიანის „ბატონი და ყნა“, „შენი ჭირიმე“, „გუგუქკორი“ და სხვ.

წრის მუშაობას გაზეთებიც გამოეხმაურნენ. „ბათუმის გაზეთის“ 1914 წლის 15 მაისის ნომერში ურცელი რეცენზიაა მოთავსებული ს. ბოლქვაძის მიერ ჩამოყალიბებული დრამატული წრის მიერ გამართული წარმოდგენის („სოფლის გმირები“) შესახებ. გაზეთი განსაკუთრებით კარგ შეფასებას აძლევს ბოლქვაძის თამაშს. „...სპირიდონი (მსახიობი ს. ბოლქვაძე) ნამდვილი განსახიერება იყო მაღალი სინდისით და მისწრაფებით აღჭურვილი მცირიშვილისა. ბოლქვაძის მოხდენილი, როგორც ყოველთვის, თამაში, მიმიკა და დრამატული კილო ნამდვილი გრძნობის ამწლელი რამ იყო“. მსგავს რეცენზიებს ბეჭდავდნენ ქუთაისისა და სხვა გაზეთებიც.

1913 წელს ნოხატაურის სცენისმოყვარეთა ჯგუფმა მოაწყო ღადო მესხიშვილის საიუბილეო საღამო. სერგოს წილად ხვდა იუბილართან ეთამაშა პიესაში „კრეჩინსკის ქორწინება“.

საიუბილეო საღამო დიდი ინტერესით ჩატარებულა და დიდძალი ხალხიც დასწრებია. მრავალი სიტყვა წარმოუთქვამთ, რომელთა შორის აღსანიშნავია ნოხატაურის სცენისმოყვარეთა მიმართვა ღადო მესხიშვილისადმი: „შენ მთელი შენი არსებით ხელოვანი ხარ, შენ შენის

1 მ. ნიკივიშვილი - მელქისადე ნიკივიშვილის ვაჟი. მელქისადევი დაინტერესებული იყო თეატრით და აქტიურ მონაწილეობას ღებულობდა ს. ბოლქვაძის ინიციატივით ჩამოყალიბებულ დრამატულ წრეში თავისი ცოლით სონათი და ორი ვაჟით - ბარნაბითა და შირიანით. მირიან ნიკივიშვილი აშკამად ხელოვნების დამსახურებული მოღვაწეა, ხელმძღვანელობს აჭარის ასსრ სიმღერისა და ცეკვის სახელმწიფო ანსამბლს.

განუსაზღვრელი ნიჭით ქართული თეატრი ხარ, და როცა ჩვენ ასეთ ბუმბერაზს იუბილეს ვუხდით, ამავე დროს ჩვენი სათეატრო კულტურის დღესასწაულს აღვნიშნავთ“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 70).

გამოთხოვებისას სახელოვან იუბილარს მოხალისე სცენისმოყვარეთა ჯგუფისათვის მიუმართავს შემდეგი სიტყვებით: „განაგრძეთ მუშაობა თქვენ დიდ საქმეს ემსახურებით. თეატრი ცხოვრების სარკეა, რომელშიაც ხალხი თავის სახეს ხედავს. ის სკოლაა და ვინც მას ემსახურება – მასწავლებელი, თან ხელოვანი მასწავლებელი“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 71).

სერგო ბოლქვაძის ხელმძღვანელობით შექმნილი თვითმოქმედი დრამატული წრე წლების მანძილზე გადაიქცა მტკიცე თეატრალურ კოლექტივად. შემდგომი ხელმძღვანელობის გაუმჯობესების მიზნით, 1921 წლიდან ს. ბოლქვაძე ინიშნება ჩოხატაურის თეატრის კომისრად. ამ თანამდებობაზე მან იმუშავა 1922 წლის ბოლომდე.

პლატონ კეშელავა თავის მოგონებაში წერს: „სერგო ბოლქვაძის პოპულარობას ხელს უწყობდა მისი ენერგიული მუშაობა თეატრში და პრესაში. თეატრში სერგო იყო არტისტიც, რეჟისორიც, ორგანიზატორიც... ნათლად მახსოვს მის მიერ დადგმული წარმოდგენებიც – „და-ძმა“ ვალ. გუნიასი, „გულჯავარი“ აქესენტი ცაგარლისა, სერგოს მონაწილეობით. მახსოვს აგრეთვე სერგო ბოლქვაძის თეატრის მსახიობი ქალები – ვენერა ძნელაძე და ბერძენიშვილი, კარგი დეკორაციები, სერგოს დავალებით დახატული მაშინ კიევის სამხატვრო ინსტიტუტის სტუდენტის, შემდეგ ცნობილი მხატვრის შალვა ანტონის-ძე ძნელაძისა. მახსოვს ოვაციები წარმოდგენის შემდეგ. ეს ოვაციები მიეკუთვნებოდა სერგოს, რადგან ის იყო ნამდვილი ბურჯი თეატრის საქმისა ჩვენს რაიონში.

მე მაგონდება ერთი შემთხვევა, როცა სერგო რუხაძის

ლამაზი ხელით, ღურჯი და წითელი ფანქრით დაწერილი დიდი აფიშა ბოქაულის ბრძანებით ჩამოგლიჯა ჩაფარმა ჩვენი სკოლის ეზოში და წარმოდგენა აკრძალეს. წარმოდგენის მონაწილენი: სერგო ბოლქვაძე, სერგო რუხაძე და სხვები ბოქაულთან წაიყვანეს და გაკვეთილები გაკვიცდა. რა თქმა უნდა, ეს არ იყო გამოწვევის და იშვიათი შემთხვევა მაშინ, მაგრამ სერგო ბოლქვაძის ჩამოშორება თეატრის საქმისგან ვერ მოახერხეს“ (აჭარის ასსრ სახ. მუზეუმის ხელნაწერთა ფონდი, საქმე № 192, გვ. 7).

ყოველგვარი წინააღმდეგობის მიუხედავად, ს. ბოლქვაძე ნაყოფიერად მოღვაწეობდა. სწორედ ამიტომ იყო, რომ 1922 წელს კულტურულ-საგანმანათლებლო დარგში ენერგიული მუშაობისათვის ნოხატაურის რეკომის დადგენილებით მას გადაუხადეს სასცენო მოღვაწეობის 15 წლისთავის აღსანიშნავი იუბილე.

იმდენად ნაყოფიერი იყო ს. ბოლქვაძის რეჟისორობითა და მონაწილეობით მოქმედი დრამატული წრის მუშაობა, რომ როდესაც სადღესასწაულო ვითარებაში აღინიშნა ქართული თეატრის 50 წლისთავი, ჟურნალის „თეატრი და ცხოვრება“ სპეციალურ ნომერში გამოქვეყნდა წერილი „ნოხატაურის თეატრის ისტორიიდან“, სადაც, როგორც რეჟისორი, დასახელებულია სერგო ბოლქვაძე.

1922 წლიდან ს. ბოლქვაძე თავის ნაყოფიერ მუშაობას განაგრძობს ქალაქ ბათუმში. აქაც იგი მისთვის ჩვეული ენერგიით ებმება საზოგადოებრივ საქმიანობაში. პედაგოგიურ მოღვაწეობასთან ერთად ხელმძღვანელობს ქართული ლეგიონის დრამატულ წრეს, რკინიგზის კლუბის დრამწრეს, ხოლო 1924 წლიდან ეხედავთ მასწავლებლის სახლთან არსებული დრამატული წრის ხელმძღვანელად. ამ პერიოდში ს. ბოლქვაძესთან ერთად მასწავლებლის სახლის დრამატულ წრეში აქტიურ მონაწილეობასღებულობენ პოეტი ნესტორ მაღაზონია, ამჟამად დამსახურებული მასწავლებელი მარო

დოდუა, მასწავლებელი ანა ვიორხელიძე და სხვები.

ს. ბოლქვაძე ამ წრეს ხელმძღვანელობდა 1932 წლამდე. მასწავლებლის სახლში გამართული საღამო-წარმოდგენები დიდ ინტერესს იწვევდა.

კულტურულ-საგანმანათლებლო მუშაობას ს. ბოლქვაძე ეწეოდა პედაგოგიური მოღვაწეობის პარალელურად. „დრამატულ წრეში მუშაობა, – წერს იგი, – მაძინევენდა, ხალისსა და ძალას მძატებდა პედაგოგიური მოღვაწეობისათვის. პედაგოგიური მოღვაწეობა კი მასუღდგმულებად მასობრივ მუშაობაში“.

1945 წელს ს. ბოლქვაძეს მიენიჭა აჭარის ასსრ სკოლის დამსახურებული პედაგოგის წოდება; სსრ კავშირის უმაღლესი საბჭოს პრეზიდიუმის ბრძანებლობით იგი დაჯილდოებულ იქნა მედლით „1941-1945 წლების დიდ სამამულო ომში მამაცური შრომისათვის“.

თავისი უმწიკვლო და ენერგიული მუშაობით ს. ბოლქვაძემ განათლებისა და კულტურის დარგში მნიშვნელოვანი წვლილი შეიტანა და დიდი ავტორიტეტი მოიპოვა.

მისი მეგობარი, ამაჰად ცნობილი მეცნიერი, აკადემიკოსი ნიკო ბერძენიშვილი 1949 წელს ს. ბოლქვაძეს სწერდა: „ძმარ ხერგო... პირფერობა რად გინდა, შენი კეთილშობილი ინტელექტი ნემს მეხსიერებაში ღრმად ზის... გამახსენდა ჩვენი დრო ნოხატაურში... შენი გულდია ხუმრობა, გონივრული სიტყვები მასწავლებელთა კრებაზე, ნიჭიერი მსახიობობა... გრძელი ბიჯით ჯვარცმისაკენ მიმავლობა დაბინდებისას... და სხვ.“ (აჭარის ასსრ სახ. მუხეუმის ხელნაწერთა ფონდი, საქმე № 192, გვ. 2).

ს. ბოლქვაძის მრავალი მოწაფე დღეს სახელოვანი საზოგადო მოღვაწე და მომავალი თაობის აღმზრდელია.

ს. ბოლქვაძემ ხანგრძლივი და ნაყოფიერი პედაგოგიური მოღვაწეობით სამართლიანად დაიმსახურა საზოგადოების ქურადლება. მისი ნაყოფიერი პედაგოგიური მუშაობა

კომუნისტურმა პარტიამ და საბჭოთა ხელისუფლებამ ჯეროვნად დააფასა. იგი 1949 წელს დაჯილდოებული იქნა უმაღლესი ჯილდოთი – ლენინის ორდენით. ამ მოვლენის გამო სერგო წერდა გაზეთში: „უსაზღვროა ის სიხარული, რომელსაც განვიცდი ლენინის ორდენით ნემი დაჯილდოების გამო.“

ოთხი ათეული წლის წინათ დავიწყე მუშაობა ჯვარცმის (ამჟამად ნაისუბნის) ორკლასიან სასწავლებელში, ხოხობაურის რაიონში.

მაშინდელ დუხჭირ პირობებში ვინ წარმოიდგენდა, რომ მასწავლებლის შრომა ოდესმე ასე დაფასდებოდა. სახალხო მასწავლებლისადმი ასეთი ყურადღება, მასწავლებლის შრომის ასე დაფასება შესაძლებელია მხოლოდ სოციალიზმის მზით გამთბარ ქვეყანაში, სადაც სახალხო მასწავლებელი დგას იმ სიმაღლეზე, რომელზედაც იგი „არასოდეს არ მდგარა, არ დგას და არც შეიძლება იდგეს ბურჟუაზიულ საზოგადოებაში“... მაღალი ჯილდო მავალებს, კიდევ უფრო ენერგიულად ვიმუშაო და ბოლომდე გავამართლო პარტიისა და მთავრობის ნდობა, ყოველთვის ვიდგე სახალხო განათლების მოწინავე მუშაკთა რიგებში“ („საბჭოთა აჭარა“, 1949 წ. 25/9).

სერგო ონისიმეს-მე ბოლქვაძე პირნათლად ანადლებს თავის სიტყვას; დღესაც ახალგაზრდული ენერგიით ემსახურება მომავალი თაობის კომუნისტური აღზრდის უაღრესად კეთილშობილურ საქმეს.



*Иродион Иванович Малазония*

## **Серго Болквадзе**

(на Грузинском языке)

Государственное издательство  
Батуми - 1957